

Javllarågos 2021

Evangelista Lukasa javllaevangeliumin tjuodtju unna versajs majna sidáv dijájt buorástahttet dán javla. Gájka gudi girkkuj báhti dán javllaiehkeda gulli dájt bágojt - ja dán jage sávav bessap aktan tjáhkáhit girkkobenkajn ja muossádit javllaevangeliumav aktan.

Návti tjuodtju Lukasa evangeliumin 2:12 «Riegádimmánáv gávnnabihtit giessaluvvam ja kruppon vellahime.”».

Ristagis ásko gassko la unna mánásj. Jus máná ij la dáppe, de ij la makkirak risstalasjuohta.

Dát unna mánásj, Jesus, imálasj láhkáj Jubmelav buktá mijá værárdij. Jáhkkep Jubmelij gut lij giessaluvvam ja kruppon vellahime, guhti lij dallusj ájge máná, duodaj ulmusj.

Ij aktak njuorak mánás balá. Gå Jubmel la unna mánásj, de ep goassak dárbaaha Jubmelis ballat.

Unna mánásj la iesj gieresvuohta. Æjgáda njuorrani gå vuojnneba mánájdísá.

Ræjnára gudnes ballájin - Dállá lij Jubmela gieresvuohta sidjij boahám.

Dat Jubmel guhti l giessaluvvam ja kruppon vellahime la gieresvuoda Jubmel. Álles iellemav.

Unna mánásj doajvov guoddá ietjas sinna. Boahhteájgev. Ádugav. Navti lij aj Jesus-mánájn. Dássju ájn vil ienebut: Fáron buvtij doajvov Jubmela lahkavuoda birra værárdin – jut «værált ij lim goassak báhtsám, nástásj bájtta iján» (verden var aldri helt forlatt, en stjerne skinner i natt).

Jesusa ájgge lij sæmmi bále lássa ájgge. Mijá ájgge la aj vájvve moaddásijda. Hæjosvuohta, rievtesferdugahtesvuohta, ednam mij tjierru gå mij lip ilá garrasit rággám ja bæjsstám.

Ihkap muhttijn vuollán.

Mánásj kruppon, Jesus - buktá doajvov værárdij. Gávnnu agev gieresvuohta mav máhtta vaddet, rievtesferdukvuohta man ávdås rahtjat, aktisasjuohta gaskostit. Jubmel la dáppe.

Unná mánásj kruppon la aj gávvn divna mánájs værárdin. Sierralágásj vuohkáj galggá javlla mijájt ádásit gåhttjot rahtjat mánáj diehti værárdin. Illastime, doaro, aktuvuohta ja hæjosvuohta.

Jesus lij máná. Mijá ásko guovdásj la máná. Danen ep goassak máhte huolodin liehket gåktu væráláda mánáj manná.

Ge, Jesusmánátjav, / suv lusi áhtsálav! / Dån iesj dal diehki boade, / ja tjána goahásim. / Ja muv de áhtságoade, / dan hæjos sluokkutjin. / De mån ávvusav!

Buorissjivnnjedum javlla mánátjijn kruppon ájnnaabmusin.

Vájmulasj varrudagá biskåhpas Ann-Helen Fjeldstad Jusnes